

Athör tueŋ cï Joon göt

Wët nhom

Athör tueŋ cï Joon göt ala yic wël dît karou kek ke gët yen athöör, tueŋ ë wët bï yen kəc riεel puøth bïk aa rëer ë tøk kek Nhialic ku Wënde Jethu Krïtho. Ku dët, ee wïc Joon bï kəc cï gam cəl atir nhüim piöoc ë lueth bï gam kënë rac. Piöoc kënë acie röm kek käk ë Jethu Wën ë Nhialic. Kuec ë piöoc kënë, yen aci Joon ηiεc teet yic lən Jethu Krïtho ë ye raan ayic, ku aci nyooth lən raan cï Jethu gam ku nhiεεr Nhialic, ka dhil kəc nhiaar ëbën.

Käk tō thïn

Wët Nhom 1:1-4

Nhialic ee Ruεl 1:5–2:29

Mïth Nhialic ku mïth jəŋrac 3:1-24

Yic ku lueth 4:1-6

Käk ye looi rin ë nhiër 4:7-21

Gam ril apei 5:1-21

Wët ë Pïr

¹ Wek aa gät wët raan yen cï Wët Nhialic lëk kəc, ku yen cï kəc gäm pïr akölrïëc ëbën. Yen ë tō thïn thεεr kəc këriëc ëbën cak. Ku ëmën yok aaci wëlke piŋ, ku yeen acuk tiŋ nyiënkua. Acuk tiŋ, käk cï looi aa cuk tiŋ ku acuk gəot ciεnkua. ² Acï Nhialic cəl aye raan. Acuk tiŋ ku wek aa lëkku yic cuk tiŋ. Alëkku we lən raan kënë yen ë pïr akölrïëc ëbën yiëk kəc, ee tō thïn wäthεεr ku yeen ë rëer kek Nhialic Wäda, ku aci Nhialic nyuøth yo. ³ Këya, raan cuk tiŋ ku piŋku wëlke, yen ë raan lëkku we, rin bäk röt mät

yo aya bäk la gam tök kek yo. Ku gamda yodhie atö tēnē Wun ku Wēnde Jethu Krītho. ⁴ Wek aa gät kākā rin bäk röt mät yo gamda yic rin bī miet piānda dīt apei.

Nhialic ee Ruel

⁵ Ku wēt cī Jethu lēk yo ku yen lēkku we emēn akīn. Nhialic apath, ala guöp wic, acit ruel, ku acin acuəl. ⁶ Na yeku lueel lōn cī yok röt mät tēnē Nhialic ku ŋot yo ye luui käreç, ke wēt luelku acie yic. Ku aye kākkuan yeku ke looi nyuəəth lōn cī yok kuc yiny Nhialic. ⁷ Ku na yeku luui kāk wic, ke yok aatö ruel yic cīmēn tō Nhialic ruel yic, ke yook aabī yoyiic mat, ku thon Wēnde Jethu abā adumuöömkuu laak wei ebēn yögup.

⁸ Na yeku lueel lōn yok acin gup adumuööm, ke meth yen aye yok röt math, ku yook aa kuc yiny cī Nhialic nyuəəth yo. ⁹ Ku na lēkku Nhialic lōn cī yok käreç looi, ka pəl käreç cuk looi piny ku wuuny ke wei yögup buk bēn aa kəç path tēnē ye, rin aci lueel lōn bī yen kārackua aa pəl piny, rin kē ye lueel aye dhiel looi akōlaköl. ¹⁰ Ku na luelku lōn kēc yok adumuööm looi, ka yeku lueel lōn ē Nhialic yen ē lueth luel, ku yook aa kēc wētde gam.

2

Raan cī ləç ku dəç ē yo kony

¹ Wēt gät yēn we athöör miēthkiē, ee wēt bäk käreç cīi ye looi. Ku na le raan lui kērac kamkun, ke yok aala raan Nhialic thiēç ē rienkuu bī kārackua pəl piny. Raan kēnē ē Jethu Krītho cīn kē dak yeguöp ē Nhialic nyin. ² Yen ē raan cī thou rin bī adumuöömkuu pəl piny. Aacie adumuöömkuu ē

röt kek ye Nhialic ke päl piny ë wëtde, aaye ke päl piny agut adumuössm kəc pinyhom ëbën aya.

³ Dhël ye nyuöth lön ñic yok Nhialic ayic, ee wët nadë ke yo thek löñke. ⁴ Na ye raan lueel ka ñic Nhialic, ku aciï löñken cï lëk kəc thek, ke lueth yen aye lueel ku akuc käk ë yith tënë Nhialic. ⁵ Ku raan luui kē cï Nhialic lueel, ke nhiërde aciï thok bï kañ dak tënë Nhialic. Ee këya, kën yo nyuöth lön ye yok tök kek Nhialic akïn, ⁶ na ye raan lueel ka cï yeyic mat ke Nhialic, ka dhil a luui cïmën wäär ye Jethu luui.

Löñ Yam

⁷ Ke week kockiën nhiaar, wët gät tënë we acie löñ yam. Ee löñ tön çon cäk piñ çon jock wek met tënë Jethu. ⁸ Këya, löñ gät we kënë ala yic wët ë yam, rin dhël cï Jethu pür thïn aci nyuöth yo wët ë yen yam, ku aye piërdun nyuöth aya lön yen löñ yam rin käreç aci dhuk piny, rin ruel Nhialic aci nyuöth.

⁹ Na le raan ye lueel lön luui yen ruel Nhialic yic, ku ë kam awën, ke man raan cï gam, ke raan kënë añot rëër muöth yic agut ëmën. ¹⁰ Kəc ë kəc cï gam nhiaar kek aa kəc pür ruel Nhialic yic, ku abï ke cöl aciñ kërεεc loikë. ¹¹ Ku kuat raan man raan cï gam, aciñ raan tö muöth yic kuc tën le yen thïn. Rin cï muöth ye cöl aciï piny tñj.

¹² Wek kəc cït miëthkië, wek aa gät athör kënë, rin añicku Nhialic aci käreç päl piny tënë we, rin Raan cï lóc ku dəc.

¹³ Wek kəc we kañ gam, wek aa gät, rin wek aa ñic raan tö thïn thεεr ke piny këc cak.

Wek kɔc puɔc gam, γɛn agət tənə we rin cī wek jəŋrac göök.

¹⁴ Wek aa kɔc cīt miəthkië, wek aa gät wëlkä rin cī wek aa kɔc cī Nhialic Wäda ŋic.

Wek kɔc we kəŋ gam, wek aa gät rin wek aa ŋic raan tō thīn thɛɛr ke piny kēc cak.

Wek kɔc we puɔc gam, wek aa gät ẽ rin cī wek wět Jethu gam apɛi, ku bī wět Nhialic arëer wepuəth akölaköl, ku week aaci jəŋrac göök.

Duəkkë kək pinyhom ye nhiaar

¹⁵ Duəkkë ke ye nhiaar dhöl kɔc rɛc pīr tō pinyhom, duəkkë ke ye nhiaar kək pinyhom. Rin raan nhiaar kək tō pinyhom, acī lëu bī Wäda Nhialic nhiaar aya. ¹⁶ Dhöl rɛc kɔc tō pinyhom cīt ẽmən ye kɔc luui kē nhiarkē wickē, ku yekē nhiaar kē cīk tīŋ, ku yekē nhiam kajuēc tō tənə ke. Dhölkä aa dhöl pīr pinyhom. Aacie bən tənə Nhialic Wäda. ¹⁷ Piny kənə aya, acī Nhialic jəək bī rac kek kɔcken nhiaar ye, ku raan kē wic Nhialic looi ẽ pīr akölrïëc ẽbən.

Raan ater Raan cī lɔc ku dɔc

¹⁸ Miəthkië, thök ẽ piny acī thišk. Acuk lək we thɛɛr lɔn bī raan ater Raan cī lɔc ku dɔc tīc. Acäk tīŋ kɔc ater Raan cī lɔc ku dɔc juēc aaci tuöl. Wět kənə, aye nyuəəth ẽ yic lɔn cī thök piny thišk. ¹⁹ Kɔckä, aake rëer ke γo ẽ tøk, ku aaci jäl ẽmən. Keek aake kēc kepuəth mät γo ẽ yic alanden, diət aa ŋuət ke rëer kek γo. Jalden ẽ ye nyuəəth wět kēc kek kepuəth mät γo.

²⁰ Ku wek aa kɔc ye Nhialic Wëike tääu wepuəth, ku këya, yen acī wek kək yith ŋic wedhie. ²¹ γɛn acī gət tənə we rin ye γɛn ye lueel lɔn cī wek yic Nhialic ŋic. γɛn agət tənə we rin wek aa ŋic yiny

ë Nhialic. Ku rin ñic wek ye acin luenh tö yiny ë Nhialic yic.

²² Ye raan yindë yen alueeth? Ee raan ye lueel, Jethu acie yen Raan cï lɔc ku dɔc. Raan cīt kënë, ee raan ater Raan cï lɔc ku dɔc, ku ë Nhialic Wāda kek Jethu Wēnde kek aaci yen ke kuc. ²³ Na le raan tōŋ kuc lɔn cīi Jethu ye Wēn Nhialic ka ril yic apɛi tēnē ë raan kënë bī mat kek Nhialic Wāda. Ku na cī gam lɔn ye Jethu Wēn Nhialic, ka bī mat kek Nhialic Wāda.

²⁴ Yakë wēt Nhialic wäär yen cāk gam muk wepuōth akōlakōl. Na muōkkë wēt wäär cī lək we wäär mēt wek rōt Jethu, ke wek aabi pīr ke we ye tōk kek Jethu ku Nhialic Wāda. ²⁵ Ke yook aabi pīr akōlriēc ēbēn pan Nhialic cī Jethu yō thɔn bī yiək yō.

²⁶ Wek aa gāt rin wēt kɔc we them bīk we muōr. ²⁷ Ku week aaci Jethu yiək Wēi Nhialic, ku rin rēer Wēike ke we, ke wek aaci ben wīc raan dēt piōōc we. Ku Wēi Nhialic ë we piōōc kēriēc ēbēn, ku piōōc we yiny cīn yic lueth. Kēya, wek aaya yōōk bāk aa mat ke Jethu tēcīt tē cī Wēi Nhialic we lək thīn.

Mith ë Nhialic

²⁸ Wek aaya yōōk aya miēthkiē, bāk aa rēer ke we mēt kek Jethu. Rin na ben la bēn pinynhom, ke yook aaci gup bī riōōc buk rōm kek ye.

²⁹ Ee kēya, cīt mēn ñic wek ye lɔn le Raan cī lɔc ku dɔc cōk. Kēya, aŋiēckē aya na ye raan kē la cōk looi, ka cī ya manh ë Nhialic.

3

¹ Takkë wenhïim yen kē cī Wāda Nhialic luōi ɣo rin nhiērden rēēr kek ɣo, ee kē nhiεεr yen ɣo απει, abī ɣook cəl aaye miēthke, ku ē yic alanden ɣok aacī ya miēthke. Ku wēt kuc thān pinynhom ye, lən ye ɣok mīth Nhialic, ee rin kuc kek Nhialic. ² Wek kōckien nhiaar ēmēn, ɣok aacī ya mīth Nhialic. Ku aŋot kucku tē bī ɣok yiēndē thīn aköldā. Ku yeen aŋicku, tē le Raan cī lōc ku dōc dhuk pinynhom, ke ɣok aabī cīēt ye, rin abuk tīŋ ē yic, ye yen ŋa. ³ Ku week, raan ye ŋōōth lən bī yen ciēt Jethu, ka dhil yeguōp wuōōny wei adumuōōmke bī rēēr ke la wic, cīmēn Raan cī lōc ku dōc cie adumuōōm ye looi.

⁴ Kuat raan la tuēŋ ke loi awuōc Nhialic nyin, ee Nhialic ku lōōŋke kek aaye dhōl yiic. ⁵ Aŋiεckē, kēn bīi Raan cī lōc ku dōc pinynhom, ee lən bī adumuōōmkua bēn wuōōny wei ɣogup, ku yen nhom acie adumuōōm ē looi acīn.

⁶ Kēya, tē cī raan rot mat kek Jethu, ka cīi adumuōōm looi akōlakōl, ku raan adumuōōm looi akōlakōl aye nyuōōth lən kuc yen Raan cī lōc ku dōc alanden.

⁷ Wek miēthkiē, tiēerkē nhïim, bī ciēn raan ruēny we. Raan ye looi ē kēpath ala cōk cīmēn le Raan cī lōc ku dōc cōk. ⁸ Ku raan awuōc looi akōlakōl ē raan jōŋrac, rin jōŋrac acā awuōc looi tēwāār ciēk ē piny. Ku Wēn Nhialic acī bēn pinynhom bī kē cī jōŋrac looi bēn rac.

⁹ Acīn raan ya manh Nhialic ku ŋot ye luui kārεc. Rin pīr Nhialic atō yeguōp. Acie awuōc looi akōlakōl, rin ye yen manh Nhialic.

¹⁰ Ku kën mïth Nhialic ku mïth jəŋrac nyuəəth akīn, kəc cie luui kəpath, ku kəc cie miəthakən ye nhiaar, aacie mïth Nhialic.

Nhiarkë röt kamkun

¹¹ Kënë yen ë wēt cäk piŋ nyin yic wäär mēt wek röt Raan cī ləc ku dəc, lən dhil yək röt aa nhiaar kamkua. ¹² Këya, duəkkë röt thəŋ raan yəŋ cəl Kain, raan luui kək jəŋrac cī mənəh nək. Yenö kən nək mənəhə? Kən nək yen mənəh Abel ë wēt ë mənəh luui kək la cək ku yeen ë luui kərəc. ¹³ Këya, duəkkë gēi miəthakāi tē mēen kəc ë pinynhom we. ¹⁴ Anjicku alanden lən yək aa yə cīt kəc cī thou, ku emən yək aa rēer pīr akölriēc ebən yic, kënë ayeku ŋic rin emən yək anhiar wäməthakua kəc cī gam. Na ye raan cīi wämənəhə nhiaar ka ŋot rēer ke cīt raan cī thou. ¹⁵ Ku tənə Nhialic, raan man kəc kək athəŋ kek raan cī raan dēt nək, ku anjickë raan kəc nək acīn pīr akölriēc ebən pan Nhialic tō kek ye ë yic. ¹⁶ Nhiər ayeku ŋic kələ, Jethu acī rot cəl anak rin bī yen yə waar adumuəəmkua yiic, aye nyuəəth lən nhiēer yen yə. Ku këya, yook aya yək aa dhil röt cəl anak rin miəthakāi kua.

¹⁷ Këya, cīmən na ye raan la kəŋ ku tīŋ mənəhə dēt cīn kəŋ ku kueec bī cīi muəc, ka cīi ləu bī lueel lən nhiēer yen Nhialic. ¹⁸ Wek miəthkiē acuk bī ya lueel ë path yothook lən nhiēer yək röt kamkua, yək aa dhil röt kony kamkua kək yeku ke looi yiic. ¹⁹ Na cīt nhiər nhiēer yək röt ë kënë, ka buk jal ŋic ayic lən yək aa kəc Nhialic, ku cuk ben aa diēer. ²⁰ Na ye kək yeku ke looi yə cəl aaye kəc rac, ka

dhilku ɲic lɔn tɛktɛk Nhialic awär täktäkdä, aɲic kəriëc ebën ë cök.

²¹ Wek kackië, na cii kāk yeku ke tak ye lëk ɣo lɔn ye ɣok kɔc rac, ke ɣok aacii gup bi ya rišc tɛ röök ɣok tənë Nhialic. ²² Ku abi ɣo gām kuat kāk cuk thiëc, rin ë kē cī lueel yen ayeku looi. Ku ɣok aa pīr dhelden miēt pušu yic. ²³ Kē cī Nhialic lëk ɣo ë lɔn buk la gam tənë Wēnde Jethu Kritho, ku ɣok aa dhil röt nhiaar kamkua, cīt tēwäär cī yen ye lëk ɣo thīn.

²⁴ Kuat raan loi kē wic Nhialic aci rot mat kek Nhialic, ku Nhialic ë rēer kek ye. Ku tɛ ye ɣok ye ɲic thīn lɔn cī Nhialic rot māt ɣo, ee Wēiken cī gam ɣo.

4

Wēi yic ku wēi lueth

¹ Wek kackiën nhiaar duökkē wēt raan ye lueel lɔn le yen ke wēi ë guɔ gam, kaɲkē wētde tak yic apath bāk ɲic lɔn tš Wēi Nhialic yegušp alanden, rin cī alueth kāɲ tīɲ thiëi pinynhom ebën. ² Tɛ lēu bi yīn raan rēer kek Wēi Nhialic ɲic thīn akīn. Ee raan ye lueel lɔn Jethu Kritho aci bēn pinynhom ke cīt raan, Wēi Nhialic arēer kek ye.

³ Kuat raan kuc kakkä acii rēer kek Wēi Nhialic, ee riɛl jɔɲ ater Raan cī lɔc ku dɔc yen arēer kek ye. Yen wäär cāk piɲ lɔn bi yen bēn, aci bēn, arēer pinynhom emēn.

⁴ Ku wek miēthkië, wek aa kɔc Nhialic, ku wek aacii jai piöc ë kockä. Wek aacii jai piöc käreç rin rēer Wēi Nhialic kek we, ku yen aril tənë jɔɲrac yen mac kɔc kuc Nhialic pinynhom. ⁵ Aluethkä

aa kuc Nhialic. Käk yekë ke lueel aa käk ye kəc kuc Nhialic ke lueel. Ku kəc kuc Nhialic aa wët den gam. ⁶ Ke yook kəc cī gam yok aa kəc Nhialic. Ku kuat raan njic Nhialic ë piöcda gam, ku kəc kuc Nhialic aacie piöcda ye gam. Ku ë yen tē ye yok kəc rēer Wēi Nhialic kegup njic thin, ku kəc rēer jənjrac kəc ruēeny kegup.

Nhialic ee Nhiër

⁷ Ke week kəckiën nhiaar, yeku röt nhiaar ë kamkua, rin ë Nhialic yen yo cəl anhiar kəc kək. Kuat raan kəc kək nhiaar, aye nyuöth wët ë yen manh Nhialic ë yic ku anjic Nhialic. ⁸ Ku raan cīi kəc kək ye nhiaar akuc Nhialic, rin Nhialic ë nhiër. ⁹ Ku Nhialic aci nhiërde nyuöth yo rin aci Wēnden tək cəl abö pinynhom ë tēn, rin buk pīr alanden ë rienke. ¹⁰ Nhiër ë yic acie wët bī yok Nhialic nhiaar, ee lön nhiër Nhialic yo, ku kënë yen aci yen Wēnde tuöc ë pinynhom bī bēn thou rin bī adumuömkua päl piny. ¹¹ Ke wek kackië, na ye Nhialic kë nhiaar yo apei kälä, ke cie yic buk röt aa nhiaar kamkua?

¹² Acin raan cī Nhialic kaŋ tīŋ, ku na nhiarku röt kamkua ke Nhialic abī ya mat kek yo, ku nhiërde abī rot a luöi yo təcit tē wic ye. ¹³ Yok aaci Nhialic yiək Wēike, ku buk aa njic këya lön cī yok aa tək kek ye, ku yeen ë tək kek yo.

¹⁴ Ku acuk tīŋ, ku yen ayeku lək kəc aya, lön cī Nhialic Wāda Wēnde tuöc pinynhom bī raan ebēn bēn luök. ¹⁵ Na ye raan lueel lön ye Jethu Wēn Nhialic, ke Nhialic aci mat kek ye ku aci mat kek Nhialic. ¹⁶ Ku nhiërde tēnē yo acuk njic ku gamku.

Nhialic ee nhiër. Ku na ye raan Nhialic nhiaar ku kəc kək, ka cı mat kek Nhialic, ku mət Nhialic kek ye. ¹⁷ Nhiërda ë la cök tē cıi yok gup ye riöc aköl lundit, rin yok aa pır pinyinhom təcit tēwäär pıır Jethu thın.

¹⁸ Kuat raan tō nhiër yepuşu acın kē ye yen riöc. Rin nhiër ë yic, ee riöc cuap wei. Kəc aa riöc tē ye kek ye tak lın bı ke tēm awuöc, ku raan ë riöc acıi nhiërde la cök.

¹⁹ Kēnē yo yiək riel buk Nhialic nhiaar ku kəc kək, ee rin cı yen yo kaŋ nhiaar. ²⁰ Ku na le raan ye lueel ka nhiaar Nhialic, ku ë kam awën ke man menhkën cı gam, ke raan kēnē ë lueth yen aye lueel. Rin acıi lēu bı raan Nhialic nhiaar, Nhialic kēc kaŋ tıŋ, ku cıi raan nhiaar, raan ye tıŋ akölaköl. ²¹ Ke yook, yok aa dhil kəc nhiaar aya, rin yen kē cı Nhialic lək yo buk aa looi. Acı lueel kuat raan nhiaar Nhialic adhil kəc nhiaar aya.

5

Gam tēnē Manh ë Nhialic

¹ Kuat raan ye gam lın Jethu yen ë Raan cı lıc ku dıc, ke raan kēnē ë manh Nhialic. Ku na yeku nhiaar raan yen Wāda, ke yook aa dhil miēthke nhiaar aya.

² Ayeku ŋic alanden lın nhiēr yok mıth ë Nhialic, tē nhiēr yok Nhialic ku yeku looi kuat kē ye lək yo buk looi.

³ Yen ë jam kēlä, rin na nhiarku Nhialic ayic, ke yok aa dhil kək cı lək yo looi. Käckä aacıi yiic ril buk ke looi. ⁴ Rin kuat manh Nhialic ala riel bı kuc dhıl kəc kuc Nhialic, ku alēuku buk looi rin cı yok la

gam tēnē Jethu. ⁵ Acin raan dēt la riel bī kuc dhəl kəc kuc Nhialic, aa kəc la gam tēnē Jethu kapēc lən ye yen Wēn Nhialic.

⁶ Ee yeen Jethu Krītho, yen aci bēn pinynhom, ku yeen aci Joon raan kəc muəəc nhīim bēn muəəc nhom ē pīu. Acie miśc nhom yen cī rot looi ē rot, yeen aci bēn nək rienkua. Ku aye Wēi Nhialic nyuəth ɣook lən ye wēlkā yith. Rin Wēi Nhialic yen ē kəc nyuəth kēn yic akōlakōl. ⁷ Ala kāŋ kadiäk ye nyuəth ɣo ye Jethu ŋa.

⁸ Käkä kadiäk, Wēi Nhialic, miśc ē nhom, ku nääkde, keek kadiäk ebēn ē tək yen ayekē nyuəəth.

⁹ Na ye kəc jam kək cīk tīŋ ku gamku wēt luelkē, yenō cīi ɣok kək cī Nhialic nyuəth ɣookkā ye gam? Aa dhil ē gam, rin kək ye Nhialic ke lueel aa dīt apei tēnē kək ye raan ke lueel, ku wēt jīεem yen kēnē, ee Wēnde yen aye yen jam tēnē ɣo. ¹⁰ Kēya, na ye raan cī gam, ka dhīel ŋic ē cök lən ye Jethu Wēn Nhialic, ku adhil ŋic alanden lən kək cī Nhialic nyuəəthkā aa yith. Ku raan cie kē cī Nhialic lueel ye gam, ka ye lueel lən ye Nhialic alueeth. Rin akēc wēt cī Nhialic lueel rin Wēnde gam. ¹¹ Kēnē ye cəl anjicku lən kē cī Nhialic lək ɣo ē yic, ee rin cī yen ɣo yiək pīr akōlriēēc. Ku pīr kēnē ayeku yök tēnē Wēnde. ¹² Ee kēya, kuat raan cī mat kek Wēnde ka bī pīr akōlriēēc yök. Ku raan cī jai Wēn Nhialic, ka cīi pīr akōlriēēc ebēn bī kan yök.

Thök ē wəl

¹³ Wek aa gät, wek kəc cī riel Jethu gam, ke ye Wēn Nhialic ku bāk ŋic lən le wek pīr akōlriēēc ebēn. ¹⁴ Ku ē kēya, acin kē lēu bī ɣo riäac gup tē ye

ɣok Nhialic door, rin kuat kē buk aa thiëc ye, kēn ye miëët puşu abuk ya yök.

¹⁵ Ke week tēcīt tē ŋicku ye, akēc kaŋ kuc kē wicku. Yeku thiëc kē wicku, ku ŋicku lōn bī yen ye gām ɣo. ¹⁶ Ke yeen, na tīŋ raan menhkēn cī gam ke looi awuśc, awuśc ē dhie cie raan ē tēk bei tēnē Nhialic akōlriëc ēbēn, ka dhil rōök tēnē Nhialic bī raan kony. Ku Nhialic abī pīr ē raan cōl ala cōk. Ala adumuşm raan tēk bei tēnē Nhialic akōlriëc. Ku ɣen acī jam bāk aa rōök rin adumuşmke. ¹⁷ Kāreç ye looi ēbēn, adumuşm, ku ala adumuşm kōk cie kōc ye tēk wei tēnē Nhialic akōlriëc ēbēn.

¹⁸ Aŋicku lōn raan cī ya manh Nhialic acie awuśc ē looi akōlakōl, aye Jethu Wēn ē Nhialic tiit guşp, acī jōŋrac ye muşr acīn.

¹⁹ Aŋicku lōn ye ɣok mīth ē Nhialic, ku lōn yen jōŋrac yen mac kōc kuc Nhialic. ²⁰ Aŋicku aya lōn Wēn Nhialic acī bēn pinynhom ē tēn. Ku ē yen acī ɣo cōl aŋic Nhialic ē yic, yen acī ɣo cōl amat ɣoyiic kek Nhialic, ee rin cī ɣok mat kek Wēnde Jethu Krītho. Acīn Nhialic dēt ee Nhialic tōŋ. Ee yeen ē rot yen ē pīr akōlriëc ēbēn bēi. ²¹ Ke week miēthkiē tiēerkē nhīm bāk piōc rac cī gam.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

d94b9d26-33ff-5c4e-819f-5bfe86ac9e55